



SLUŽBENE ZENIČKO - DOBOJSKOG NOVINE KANTONA

Godina VIII - Broj 5

ZENICA, Ponedjeljak, 14. 4. 2003. g.

95.

Na osnovu poglavlja V, odjeljka A, člana 37. stav 1. tačka h) Ustava Zeničko-dobojskog kantona («Službene novine Federacije Bosne i Hercegovine», broj 7/96 i «Službene novine Zeničko-dobojskog kantona», broj 1/96 i 10/00), Skupština Zeničko-dobojskog kantona, na III. sjednici, održanoj 25.02.2003. godine, d o n o s i

ZAKON O KANTONALNOM TUŽILAŠTVU ZENIČKO - DOBOJSKOG KANTONA

I. OPĆE ODREDBE

Član 1.

Kantonarno tužilaštvo (u daljem tekstu: Tužilaštvo) je samostalno državno tijelo koje, u okviru prava Zeničko-dobojskog kantona (u daljem tekstu: Kanton), poduzima zakonom određene mjere u pogledu istražnih radnji i gonjenja osoba za koje se sumnja da su počinile krivična djela i privredne prijestupe, te vrše druge poslove određene federalnim i kantonalnim zakonom.

Član 2.

Tužilaštvo vrši svoju funkciju u skladu sa Ustavom Bosne i Hercegovine, Ustavom Federacije Bosne i Hercegovine i Ustavom Kantona, te na osnovu zakona Bosne i Hercegovine, Federacije i Kantona.

Član 3.

U okviru svojih nadležnosti, tužilaštvo štiti ostvarivanje ljudskih prava i građanskih sloboda koje garantira Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih osoba utvrđenih zakonom, te osigurava ustavnost i zakonitost.

Član 4.

Tužilaštvo se osniva i ukida zakonom.

Član 5.

(1) Funkciju Tužilaštva obavlja glavni kantonalni tužilac (u daljem tekstu: glavni tužilac) i zamjenici glavnog kantonalnog tužioca (u daljem tekstu: zamjenici glavnog tužio-

ca) i kantonalni tužioci (u daljem tekstu: tužioci).

(2) Glavnog tužioca, zamjenike glavnog tužioca i tužioce bira i imenuje Visoko sudsko i tužilačko vijeće Federacije Bosne i Hercegovine (u daljem tekstu: Visoko sudsko i tužilačko vijeće).

(3) Glavni tužilac ima najviše dva zamjenika. Broj zamjenika glavnog tužioca i broj tužilaca određuje Visoko sudsko i tužilačko vijeće.

(4) Ako glavni tužilac ima dva zamjenika, Visoko sudsko i tužilačko vijeće, na prijedlog glavnog tužioca, imenuje jednog od dva zamjenika za prvog zamjenika glavnog tužioca.

Član 6.

(1) Tužilaštvo predstavlja i vodi glavni tužilac.

(2) Zamjenici glavnog tužioca i tužioci obavljaju zadatke koje im povjerava glavni tužilac i za izvršavanje tih zadataka odgovaraju glavnom tužiocu.

(3) Zamjenici glavnog tužioca i tužioci mogu poduzimati sve mjere u postupku pred sudom ili organom vlasti, za čije poduzimanje glavni tužilac ima zakonsko ovlaštenje.

Član 7.

(1) Mandat glavnog tužioca i zamjenika glavnog tužioca traje šest godina, nakon čega mogu biti ponovo imenovani. Mandat prestaje u slučaju ostavke, navršanja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga. Po isteku mandata, glavni tužilac i zamjenik glavnog tužioca nastavljaju obavljati dužnosti tužioca.

(2) Funkcija tužilaca je stalna. Njihov mandat prestaje u slučaju ostavke, navršanja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga.

Član 8.

Kantonalni kolegij tužilaca sastoji se od glavnog tužioca, zamjenika glavnog tužioca i tužilaca.

Član 9.

(1) Rad Tužilaštva nadzire glavni tužilac Federacije s ciljem osiguravanja zakonitosti i efikasnosti postupaka. Na zahtjev glavnog tužioca Federacije, glavni tužilac dostavlja izvještaje o pojedinim slučajevima, s detaljnim opisom mjera koje poduzima Tužilaštvo.

(2) Glavni tužilac redovno, a najmanje jednom u šest mjeseci, Tužilaštvu Federacije podnosi izvještaje o stanju kriminaliteta i rješavanju slučajeva.

Član 10.

Tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, oba-

vještavati Skupštinu Kantona, Vladu Kantona ili predsjednika, odnosno potpredsjednika Kantona o provođenju Krivičnog zakona u Kantonu i radu Tužilaštva.

Član 11.

(1) Tužilaštvo može obavještavati javnost i odgovarajuće organe vlasti i organizacije, putem sredstava informisanja ili drugim putem, o stanju kriminaliteta u Kantonu.

(2) U okviru djelokruga rada utvrđenog zakonom i u skladu sa interesima postupka, Tužilaštvo može obavještavati javnost o pojedinim slučajevima krivičnog gonjenja ukoliko su te informacije od interesa za javnost. Prilikom obavještavanja javnosti, Tužilaštvo se rukovodi interesima pravde, imajući na umu standarde navedene u članu 6.(1) Evropske konvencije o zaštiti ljudskih prava i osnovnih sloboda.

Član 12.

(1) Tužilaštvo prati i analizira probleme u tužilačkoj praksi Kantona, koji su od važnosti za provođenje Krivičnog zakona.

(2) O pitanjima iz djelokruga Tužilaštva Federacije i Tužilaštva koja su od važnosti za provođenje Krivičnog zakona Federacije, glavni tužilac Federacije i glavni tužilac mogu zauzimati zajedničke stavove na sastancima koje saziva glavni tužilac Federacije na vlastitu inicijativu ili na prijedlog glavnog tužioca.

Član 13.

(1) U Tužilaštvu u ravnopravnoj upotrebi su bosanski, hrvatski i srpski jezik.

(2) Tužilaštvo može koristiti i ostale jezike kao sredstvo komunikacije.

(3) U Tužilaštvu u ravnopravnoj upotrebi su latinično i ćirilčno pismo.

Član 14.

(1) Kantonalni propisi o radnom odnosu radnika u organima uprave shodno se primjenjuju i na zapošljavanje radnika u Tužilaštvu, ako ovim zakonom nije drugačije određeno.

(2) Kantonalni propisi o državnoj upravi koji se odnose na rukovođenje i odgovornost funkcionera i njegovog zamjenika shodno se primjenjuju i na glavnog tužioca, njegovog zamjenika, odnosno zamjenike, te tužioce, ako ovim zakonom nije drugačije određeno.

Član 15.

(1) Tužilaštvo ima pečat u skladu sa Zakonom o pečatu Kantona.

(2) Na zgradi u kojoj je smješteno tužilaštvo mora biti istaknut naziv tužilaštva i grb Federacije Bosne i Hercegovine i Kantona.

II. OPĆE NADLEŽNOSTI I OVLAŠTENJA

Član 16.

Tužilaštvo vodi istragu i goni osobe za koje sumnja da su počinili krivičnih djela i privrednih prijestupa i vrši druge poslove određene zakonom.

Član 17.

(1) Kad nađe da zbog povrede kantonalnog zakona ili međunarodnog ugovora postoje osnovani razlozi da upotr-

ijebi pravno sredstvo protiv izvršne sudske odluke ili odluke donesene u upravnom ili drugom postupku, glavni tužilac može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.

(2) Ako glavni tužilac podnese zahtjev iz stava 1. ovog člana, odložit će se, odnosno prekinut će se izvršenje odluke. Odlaganje, odnosno prekidanje izvršenja odluke traje do donošenja odluke o pravnom sredstvu glavnog tužioca.

(3) Odluka o odlaganju, odnosno o prekidanju izvršenja, prestaje da važi i ako glavni tužilac u roku od 30 dana od dana prijema odluke ne upotrijebi pravno sredstvo.

Član 18.

(1) U okviru svojih ovlaštenja iz člana 9. Zakona o Tužilaštvu Federacije, glavni tužilac Federacije može Tužilaštvu izdati opće ili pojedinačne obavezne instrukcije i provesti krivičnu istragu i gonjenje pred kantonalnim i općinskim sudovima, kad glavni tužilac Federacije opravdano vjeruje da Tužilaštvo nije primijenilo odredbe Krivičnog zakona Federacije ili da Tužilaštvo u svojoj nadležnosti ne može efikasno goniti osobe za koje smatra da su počinile krivično djelo.

(2) Glavni tužilac Federacije može prenijeti određene predmete ili mjere koje spadaju u nadležnost Tužilaštva na drugo tužilaštvo. Bez obzira na nadležnosti tužilaštva, glavni tužilac Federacije može povjeriti i pojedinačne predmete glavnim tužiocima, zamjeniku, odnosno zamjenicima glavnog tužioca, tužiocu Federacije, odnosno tužiocima ili tužiocu, odnosno tužiocima tužilaštva.

Član 19.

(1) Glavni tužilac, odnosno zamjenik glavnog tužioca ili tužilac mogu se privremeno dodijeliti drugom tužilaštvu ili Tužilaštvu Federacije bez njegovog pristanka na period od najviše šest mjeseci u roku od pet godina.

(2) Glavni tužilac Federacije donosi odluku o privremenom premještaju i o tome obavještava Visoko sudsko i tužilačko vijeće.

(3) Glavni tužilac, zamjenik glavnog tužioca, odnosno tužilac koji je dodijeljen drugom tužilaštvu ili Tužilaštvu Federacije ima pravo na plaću, nadoknade i druga zakonom utvrđena primanja.

Član 20.

Pravo i dužnost glavnog tužioca je da izda obavezne instrukcije zamjenicima glavnog tužioca i tužiocima u vezi s njihovim radom. Pored toga, glavni tužilac može: a. poduzeti određene mjere iz nadležnosti zamjenika glavnog tužioca, odnosno tužilaca, ili tužioca, odnosno tužilaca; b. ovlasti drugog zamjenika, odnosno zamjenike glavnog tužioca ili tužioca, odnosno tužioce da procesuiraju određene slučajeve iz nadležnosti drugog, odnosno drugih zamjenika glavnog tužioca ili tužioca, odnosno tužilaca; i c. ovlastiti zamjenika glavnog tužioca, odnosno zamjenike ili tužioca, odnosno tužioce da vrše posebne aktivnosti koje su u nadležnosti drugog, odnosno drugih zamjenika glavnog tužioca ili drugog tužioca, odnosno tužilaca.

Član 21.

(1) U smislu ovog Zakona, obavezne radne instrukcije

znače instrukcije opće prirode vezane za rad i aktivnosti zamjenika glavnog tužioca i tužilaca, kao i instrukcije za poduzimanje mjera u određenim slučajevima.

(2) Glavni tužilac izdaje obavezne radne instrukcije opće prirode u skladu sa Pravilnikom.

III. ORGANIZACIJA I RAD

Član 22.

Tužilaštvo se uspostavlja sa jurisdikcijom za cijelu teritoriju Kantona.

Na prijedlog glavnog tužioca i nakon što sasluša glavnog tužioca Federacije i Vladu Kantona, Visoko sudsko i tužilačko vijeće odlučuje o uspostavljanju ili prestanku rada područnih tužilaštava Tužilaštva u općinama Kantona. Područna tužilaštva se mogu otvoriti samo ukoliko postoji hitna i neophodna potreba za takvim područnim tužilaštvom.

Kantonalna tužilaštva i područna tužilaštva predstavljaju jedinstveno organizaciono tijelo. Područna tužilaštva se uspostavljaju kako bi se zagarantirala efikasnost predmetnog postupka.

Član 23.

U ispunjavanju svoje funkcije Tužilaštvo učestvuje u postupcima pred Kantonalnim i općinskim sudovima Kantona.

Član 24.

Sjedište Tužilaštva se nalazi u Zenici.

Član 25.

Kada je glavni tužilac odsutan ili spriječen, mijenja ga (prvi) zamjenik glavnog tužioca, a zatim zamjenik glavnog tužioca, ukoliko je isti imenovan. U slučaju kada su glavni tužilac i njegov zamjenik, odnosno zamjenici odsutni ili spriječeni, tužilac koji ima najduže radno iskustvo vrši funkciju privremenog glavnog tužioca. Ukoliko su glavni tužilac i njegovi zamjenici odsutni ili spriječeni duže od jednog mjeseca, glavni tužilac Federacije određuje vršioca dužnosti glavnog tužioca, za period ne duži od šest mjeseci. Po isteku ovog perioda glavni tužilac Federacije obavještava Visoko sudsko i tužilačko vijeće o upražnjenom mjestu u Tužilaštvu, koje potom može objaviti oglas za punjavanje ovog radnog mjesta.

Član 26.

Glavni tužilac, zamjenici glavnog tužioca i tužioci ne mogu biti pozvani na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Član 27.

(1) Kanton odgovara za štetu koju glavni tužilac, zamjenici glavnog tužioca ili tužioci nanesu građaninu ili pravnom licu tokom obavljanja svojih dužnosti nepropisnim ili nezakonitim radom.

(2) Kanton može zahtijevati da glavni tužilac, zamjenici glavnog tužioca ili tužioci izvrše naknadu plaćenog iznosa

za štetu samo ukoliko je šteta prouzrokovana namjerno ili iz krajnje nepažnje.

(3) Zahtjev za naknadu štete iz stava 2. ovog člana zastarijeva u roku od šest mjeseci od dana prvobitno isplaćene naknade.

Član 28.

(1) Na kraju svake budžetske godine, glavni tužilac izrađuje statistički pregled svojih aktivnosti koje se odnose na:

a) neriješene i okončane predmete (opis krivičnog djela, datum kada je isto počinjeno, ime, prezime i datum rođenja navodnog počinioca, datum podnošenja);

b) broj primljenih predmeta tokom tekuće godine (vidi tačku a);

c) datum i vrstu konačne ili privremene odluke o tekućim predmetima u Tužilaštvu;

d) datum i vrstu konačne ili privremene odluke o predmetima gdje je prihvaćena optužnica od strane suda ili gdje je donesena sudska presuda.

(2) Na kraju svake budžetske godine, na osnovu statističkog pregleda, glavni tužilac podnosi izvještaj Kantonalnoj skupštini. Glavni tužilac daje detaljan izvještaj o stanju kriminala u Kantonu i tokovima kriminala. Glavni tužilac može u svojim zaključcima dati prijedloge da se izvrši reforma zakona. Prethodno pomenuti zaključci se objavljuju u medijima i drugim odgovarajućim forumima.

(3) Glavni tužilac dostavlja glavnom tužiocu Federacije potrebne podatke u svrhe pomenute u članu 28. stav 2. Zakona o Tužilaštvu Fedracije.

IV. UNUTRAŠNJA ORGANIZACIJA TUŽILAŠTVA

Član 29.

Postoji Pravilnik Tužilaštva, kojim se, inter alia, uređuje organizacija Tužilaštva, broj administrativno-tehničkog osoblja, te uvjeti za obavljanje tih poslova.

Pravilnik Tužilaštva donosi glavni tužilac, po odobrenju Kolegija tužilaca i Visokog sudskog i tužilačkog vijeća.

Član 30.

(1) Glavni tužilac rukovodi Tužilaštvom. Glavni tužilac izdaje opće instrukcije tužilačkim i administrativnim odjelima Tužilaštva u skladu sa Pravilnikom.

(2) Na početku svake godine glavni tužilac donosi opći plan za distribuciju predmeta, te za administrativna pitanja. U vezi sa distribucijom predmeta, opći plan mora odrediti objektivne kriterije prema kojim će se predmeti distribuirati. Opći plan se može izmijeniti i dopuniti tokom godine ukoliko to bude potrebno zbog promjene u broju primljenih predmeta ili sličnih administrativnih pitanja ili drugih nepredviđenih okolnosti.

Član 31.

(1) Tužilaštvo ima arhivara kojeg imenuje Kolegij tužilaca. Tužilaštvo ima i drugo osoblje nadležno za stručne, administrativne i tehničke poslove.

(2) Arhivar pomaže glavnom tužiocu u obavljanju admi-

95.

Na temelju poglavlja V, odjeljka A, članka 37. stavak 1. točka h) Ustava Zeničko-dobojskog kantona («Službene novine Federacije Bosne i Hercegovine», broj 7/96 i «Službene novine Zeničko-dobojskog kantona», broj 1/96 i 10/00), Skupština Zeničko-dobojskog kantona, na III. sjednici, održanoj 25.02.2003. godine, d o n o s i

ZAKON O KANTONALNOM TUŽITELJSTVU ZENIČKO- DOBOJSKOG KANTONA

I. OPĆE ODREDBE

Članak 1.

Kantonarno tužiteljstvo (u daljem tekstu: Tužiteljstvo) je samostalno državno tijelo koje, u okviru prava Zeničko-dobojskog kantona (u daljem tekstu: Kanton), poduzima zakonom određene mjere glede istražnih radnji i gonjenja osoba za koje se sumnja da su počinile kaznena djela i gospodarske prijestupe, te obavlja druge poslove određene federalnim i kantonarnim zakonom.

Članak 2.

Tužiteljstvo obavlja svoju funkciju sukladno Ustavu Bosne i Hercegovine, Ustavom Federacije Bosne i Hercegovine i Ustavom Kantona, te na temelju zakona Bosne i Hercegovine, Federacije i Kantona.

Članak 3.

U okviru svojih nadležnosti, tužiteljstvo štiti ostvarivanje ljudskih prava i građanskih sloboda koje garantira Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih osoba utvrđenih zakonom, te osigurava ustavnost i zakonitost.

Članak 4.

Tužiteljstvo se utemeljuje i ukida zakonom.

Članak 5.

(1) Funkciju Tužiteljstva obavlja glavni kantonarni tužitelj (u daljem tekstu: glavni tužitelj) i zamjenici glavnog kantonarnog tužitelja (u daljem tekstu: zamjenici glavnog tužitelja) i kantonarni tužitelj (u daljem tekstu: tužitelji).

(2) Glavnog tužitelja, zamjenike glavnog tužitelja i tužitelje bira i imenuje Visoko sudsko i tužiteljsko vijeće Federacije Bosne i Hercegovine (u daljem tekstu: Visoko sudsko i tužiteljsko vijeće).

(3) Glavni tužitelj ima najviše dva zamjenika. Broj zamjenika glavnog tužitelja i broj tužitelja određuje Visoko sudsko i tužiteljsko vijeće.

(4) Ako glavni tužitelj ima dva zamjenika, Visoko sudsko i tužiteljsko vijeće, na prijedlog glavnog tužitelja, imenuje jednog od dva zamjenika za prvog zamjenika glavnog tužitelja.

Članak 6.

- (1) Tužiteljstvo predstavlja i vodi glavni tužitelj.
- (2) Zamjenici glavnog tužitelja i tužitelji obavljaju zada-

te koje im povjerava glavni tužitelj i za obavljanje tih zadataka odgovaraju glavnom tužitelju.

(3) Zamjenici glavnog tužitelja i tužitelji mogu poduzimati sve mjere u postupku pred sudom ili organom vlasti, za čije poduzimanje glavni tužitelj ima zakonske ovlasti.

Članak 7.

(1) Mandat glavnog tužitelja i zamjenika glavnog tužitelja traje šest godina, nakon čega mogu biti ponovo imenovani. Mandat prestaje u slučaju ostavke, navršanja starosne dobi propisane za odlazak u mirovinu po sili zakona ili smjenjivanja s dužnosti iz utvrđenih razloga. Po isteku mandata, glavni tužitelj i zamjenik glavnog tužitelja nastavlja ju obavljati dužnosti tužitelja.

(2) Funkcija tužitelja je stalna. Njihov mandat prestaje u slučaju ostavke, navršanja starosne dobi propisane za odlazak u mirovinu po sili zakona ili smjenjivanja s dužnosti iz utvrđenih razloga.

Članak 8.

Kantonarni kolegij tužitelja sastoji se od glavnog tužitelja, zamjenika glavnog tužitelja i tužitelja.

Članak 9.

(1) Rad Tužiteljstva nadzire glavni tužitelj Federacije sa svrhom osiguravanja zakonitosti i učinkovitosti postupaka. Na zahtjev glavnog tužitelja Federacije, glavni tužitelj dostavlja izvješća o pojedinim slučajevima, s detaljnim opisom mjera koje poduzima Tužiteljstvo.

(2) Glavni tužitelj redovito, a najmanje jednom u šest mjeseci, Tužiteljstvo Federacije podnosi izvješća o stanju kriminaliteta i rješavanju slučajeva.

Članak 10.

Tužiteljstvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, obavještavati Skupštinu Kantona, Vladu Kantona ili predsjednika, odnosno dopredsjednika Kantona o provođenju Kaznenog zakona u Kantonu i radu Tužiteljstva.

Članak 11.

(1) Tužiteljstvo može obavještavati javnost i odgovarajuća tijela vlasti i organizacije, putem sredstava informiranja ili drugim putem, o stanju kriminaliteta u Kantonu.

(2) U okviru djelokruga rada utvrđenog zakonom i sukladno interesima postupka, Tužilaštvo može obavještavati javnost o pojedinim slučajevima kaznenog gonjenja ukoliko su te informacije od interesa za javnost. Prilikom obavještavanja javnosti, Tužiteljstvo se rukovodi interesima pravednosti, imajući na umu standarde navedene u članku 6.(1) Europske konvencije o zaštiti ljudskih prava i temeljnih sloboda.

Članak 12.

(1) Tužiteljstvo prati i analizira probleme u tužiteljskoj praksi Kantona, koji su od važnosti za provođenje Kaznenog zakona.

(2) O pitanjima iz djelokruga Tužiteljstva Federacije i Tužiteljstva koja su od važnosti za provođenje Kaznenog zakona Federacije, glavni tužitelj Federacije i glavni tužitelj mogu zauzimati zajedničke stavove na sastancima koje

saziva glavni tužitelj Federacije na vlastitu inicijativu ili na prijedlog glavnog tužitelja.

Članak 13.

(1) U Tužiteljstvu u ravnopravnoj uporabi su bosanski, hrvatski i srpski jezik.

(2) Tužiteljstvo može koristiti i ostale jezike kao sredstvo komunikacije.

(3) U Tužiteljstvu u ravnopravnoj uporabi su latinično i ćirilčno pismo.

Članak 14.

(1) Kantonalni propisi o radnom odnosu djelatnika u tijelima uprave shodno se primjenjuju i na zapošljavanje djelatnika u Tužiteljstvu, ako ovim zakonom nije drugačije određeno.

(2) Kantonalni propisi o državnoj upravi koji se odnose na rukovođenje i odgovornost dužnosnika i njegovog zamjenika shodno se primjenjuju i na glavnog tužitelja, njegovog zamjenika, odnosno zamjenike, te tužitelje, ako ovim zakonom nije drugačije određeno.

Članak 15.

(1) Tužilaštvo ima pečat sukladno Zakonu o pečatu Kantona.

(2) Na zgradi u kojoj je smješteno tužiteljstvo mora biti istaknut naziv tužiteljstva i grb Federacije Bosne i Hercegovine i Kantona.

II. OPĆE NADLEŽNOSTI I OVLAŠTI

Članak 16.

Tužiteljstvo vodi istragu i goni osobe za koje sumnja da su počinitelji kaznenih djela i gospodarskih prijestupa i obavlja druge poslove određene zakonom.

Članak 17.

(1) Kad nađe da zbog povrede kantonalnog zakona ili međunarodnog ugovora postoje utemeljeni razlozi da upotrijebi pravno sredstvo protiv izvršne sudske odluke ili odluke donesene u upravnom ili drugom postupku, glavni tužitelj može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.

(2) Ako glavni tužitelj podnese zahtjev iz stavka 1. ovog članka, odložit će se, odnosno prekinut će se izvršenje odluke. Odlaganje, odnosno prekidanje izvršenja odluke traje do donošenja odluke o pravnom sredstvu glavnog tužitelja.

(3) Odluka o odlaganju, odnosno o prekidanju izvršenja, prestaje da važi i ako glavni tužitelj u roku od 30 dana od dana prijama odluke ne upotrijebi pravno sredstvo.

Članak 18.

(1) U okviru svojih ovlasti iz članka 9. Zakona o Tužiteljstvu Federacije, glavni tužitelj Federacije može Tužiteljstvu izdati opće ili pojedinačne obvezne instrukcije i provesti krivičnu istragu i gonjenje pred kantonalnim i općinskim sudovima, kad glavni tužitelj Federacije opravdano vjeruje da Tužiteljstvo nije primijenilo odredbe Ka-

znenog zakona Federacije ili da Tužiteljstvo u svojoj nadležnosti ne može učinkovito goniti osobe za koje smatra da su počinile kazneno djelo.

(2) Glavni tužitelj Federacije može prenijeti određene predmete ili mjere koje spadaju u nadležnost Tužiteljstva na drugo tužiteljstvo. Bez obzira na nadležnosti Tužiteljstva, glavni tužitelj Federacije može povjeriti i pojedinačne predmete glavnim tužiteljima, zamjeniku, odnosno zamjenicima glavnog tužitelja, tužitelju Federacije, odnosno tužiteljima ili tužiteljstvu, odnosno tužiteljima tužiteljstva.

Članak 19.

(1) Glavni tužitelj, odnosno zamjenik glavnog tužitelja ili tužitelj mogu se privremeno dodijeliti drugom tužiteljstvu ili Tužiteljstvu Federacije bez njegovog pristanka na period od najviše šest mjeseci u roku od pet godina.

(2) Glavni tužitelj Federacije donosi odluku o privremenom premještanju i o tome obavještava Visoko sudsko i tužiteljsko vijeće.

(3) Glavni tužitelj, zamjenik glavnog tužitelja, odnosno tužitelj koji je dodijeljen drugom tužiteljstvu ili Tužiteljstvu Federacije ima pravo na plaću, nadoknade i druga zakonom utvrđena primanja.

Članak 20.

Pravo i dužnost glavnog tužitelja je da izda obvezatne instrukcije zamjenicima glavnog tužitelja i tužiteljima u svezi njihovog rada. Pored toga, glavni tužitelj može:

a.) poduzeti određene mjere iz nadležnosti zamjenika glavnog tužitelja, odnosno tužitelja, ili tužitelja, odnosno tužitelja;

b.) ovlasti drugog zamjenika, odnosno zamjenike glavnog tužitelja ili tužitelja, odnosno tužitelja da procesuiraju određene slučajeve iz nadležnosti drugog, odnosno drugih zamjenika glavnog tužitelja ili tužitelja, odnosno tužitelja; i c.) ovlastiti zamjenika glavnog tužitelja, odnosno zamjenike ili tužitelja, odnosno tužitelje da obavljaju posebne aktivnosti koje su u nadležnosti drugog, odnosno drugih zamjenika glavnog tužitelja ili drugog tužitelja, odnosno tužitelja.

Članak 21.

(1) U smislu ovog Zakona, obvezatne radne instrukcije znače instrukcije opće prirode vezane za rad i aktivnosti zamjenika glavnog tužitelja i tužitelja, kao i instrukcije za poduzimanje mjera u određenim slučajevima.

(2) Glavni tužitelj izdaje obvezatne radne instrukcije opće prirode sukladno Pravilniku.

III. ORGANIZACIJA I RAD

Članak 22.

(1) Tužiteljstvo se uspostavlja sa jurisdikcijom za cijelu teritoriju Kantona.

(2) Na prijedlog glavnog tužitelja i nakon što sasluša glavnog tužitelja Federacije i Vladu Kantona, Visoko sudsko i tužiteljsko vijeće odlučuje o uspostavljanju ili prestanku rada područnih tužiteljstava Tužiteljstva u općinama Kantona. Područna tužiteljstva se mogu otvoriti samo ukoliko postoji žurna i neophodna potreba za takvim područnim tužiteljstvima.

(3) Kantonalna tužiteljstva i područna tužiteljstva predstavljaju jedinstveno organizaciono tijelo. Područna tužiteljstva se uspostavljaju kako bi se zagarantirala učinkovitost predmetnog postupka.

Članak 23.

U ispunjavanju svoje funkcije Tužiteljstvo sudjeluje u postupcima pred Kantonalnim i općinskim sudovima Kantona.

Članak 24.

Sjedište Tužiteljstva se nalazi u Zenici.

Članak 25.

Kada je glavni tužitelj izočan ili spriječen, mijenja ga (prvi) zamjenik glavnog tužitelja, a zatim zamjenik glavnog tužitelja, ukoliko je isti imenovan. U slučaju kada su glavni tužitelj i njegov zamjenik, odnosno zamjenici izočni ili spriječeni, tužitelj koji ima najdulje radno iskustvo obavlja funkciju privremenog glavnog tužitelja. Ukoliko su glavni tužitelj i njegovi zamjenici izočni ili spriječeni duže od jednog mjeseca, glavni tužitelj Federacije određuje vršitelja dužnosti glavnog tužitelja, za period ne dulji od šest mjeseci. Po isteku ovog perioda glavni tužitelj Federacije obavještava Visoko sudsko i tužiteljsko vijeće o upražnjenom mjestu u Tužiteljstvu, koje potom može objaviti oglas za popunjavanje ovog radnog mjesta.

Članak 26.

Glavni tužitelj, zamjenici glavnog tužitelja i tužitelji ne mogu biti pozvani na krivičnu ili građansko-pravnu odgovornost ni za jedno djelo učinjeno tijekom obavljanja svojih službenih dužnosti.

Članak 27.

(1) Kanton odgovara za štetu koju glavni tužitelj, zamjenici glavnog tužitelja ili tužitelja nanesu građaninu ili pravnoj osobi tijekom obavljanja svojih dužnosti nepropisnim ili nezakonitim radom.

(2) Kanton može zahtijevati da glavni tužitelj, zamjenici glavnog tužitelja ili tužitelji obave naknadu plaćenog iznosa za štetu samo ukoliko je šteta prouzročana namjerno ili iz krajnje nepažnje.

(3) Zahtjev za naknadu štete iz stavka 2. ovog članka zastarijeva u roku od šest mjeseci od dana prvobitno isplaćene naknade.

Članak 28.

(1) Na kraju svake proračunske godine, glavni tužitelj izrađuje statistički pregled svojih aktivnosti koje se odnose na:

a) neriješene i okončane predmete (opis kaznenog djela, nadnevak kada je isto počinjeno, ime, prezime i datum rođenja navodnog počinitelja, nadnevak podnošenja);

b) broj primljenih predmeta tijekom tekuće godine (vidi točku a);

c) nadnevak i vrstu konačne ili privremene odluke o tekućim predmetima u Tužiteljstvu;

d) nadnevak i vrstu konačne ili privremene odluke o predmetima gdje je prihvaćena optužnica od strane suda ili

gdje je donesena sudska presuda.

(2) Na kraju svake proračunske godine, na temelju statističkog pregleda, glavni tužitelj podnosi izvješće Kantonalnoj skupštini. Glavni tužitelj daje detaljno izvješće o stanju kriminala u Kantonu i tokovima kriminala. Glavni tužitelj može u svojim zaključcima dati prijedloge da se obavi reforma zakona. Prethodno pomenuti zaključci se objavljuju u medijima i drugim odgovarajućim forumima.

(3) Glavni tužitelj dostavlja glavnom tužitelju Federacije potrebite podatke u svrhe pomenute u članku 28. stavak 2. Zakona o Tužiteljstvu Federacije.

IV. UNUTARNJA ORGANIZACIJA TUŽITELJSTVA

Članak 29.

(1) Postoji Pravilnik Tužiteljstva, kojim se, inter alia, uređuje organizacija Tužiteljstva, broj administrativno-tehničkog osoblja, te uvjeti za obavljanje tih poslova.

(2) Pravilnik Tužiteljstva donosi glavni tužitelj, po odobrenju Kolegija tužitelja i Visokog sudskog i tužiteljskog vijeća.

Članak 30.

(1) Glavni tužitelj rukovodi Tužiteljstvom. Glavni tužitelj izdaje opće instrukcije tužiteljskim i administrativnim odjelima Tužilaštva sukladno Pravilniku.

(2) Na početku svake godine glavni tužitelj donosi opći plan za distribuciju predmeta, te za administrativna pitanja. U svezi distribucije predmeta, opći plan mora odrediti objektivne kriterije prema kojim će se predmeti distribuirati. Opći plan se može izmijeniti i dopuniti tijekom godine ukoliko to bude potrebno zbog promjene u broju primljenih predmeta ili sličnih administrativnih pitanja ili drugih neprivedenih okolnosti.

Članak 31.

(1) Tužiteljstvo ima arhivara kojeg imenuje Kolegij tužitelja. Tužiteljstvo ima i drugo osoblje nadležno za stručne, administrativne i tehničke poslove.

(2) Arhivar pomaže glavnom tužitelju u obavljanju administrativnih poslova i izradi administrativnog dijela plana sukladno članku 30. stavak 2. ovog Zakona.

(3) Poslove arhivara može obavljati osoba koja je diplomirani pravnik i ima najmanje 2 godine odgovarajućeg iskustva iz oblasti prava.

(4) Arhivar pomaže glavnom tužitelju u pripremi i izvršavanju proračuna Tužiteljstva.

Članak 32.

(1) Tužiteljstvo vodi evidenciju o predmetima. Kada Tužiteljstvo zaprimi predmet, registrira ga navodeći, između ostalog, slijedeće podatke, ukoliko su mu oni poznati:

- ime i prezime osobe protiv koje je podnijeta kaznena prijava;

- državljanstvo osobe protiv koje je podnijeta kaznena prijava;

- adresa osobe protiv koje je podnijeta kaznena prijava;

- nadnevak kada je počinjeno kazneno djelo;

- pravni karakter kaznena djela;
 - odgovarajuće odredbe Kaznenog zakona;
 - broj dosjea u Tužilaštvu;
 - dosje pod kojim je predmet zavela institucija za provedbu zakona;
 - nadnevak uvođenja predmeta u evidenciju Tužiteljstva.
- (2) Glavni tužitelj donosi detaljnije propise o upravi u okviru Pravilnika, izrađenog u suradnji s arhivarom, ukoliko ti propisi nisu donešeni u okviru općih naputaka i plana distribucije.

Članak 33.

(1) Državljanin Bosne i Hercegovine koji je diplomirani pravnik i koji ispunjava opće uvjete za zapošljavanje u tijelima vlasti može biti zaposlen kao vježbenik.

(2) Vježbenici se zapošljavaju u Tužiteljstvu i postupno im se dodjeljuju sve vrste poslova kako bi stekli praktična iskustva u svim oblastima rada Tužiteljstva.

(3) Vježbenici se upošljavaju na određeno vrijeme na period od najviše dvije godine.

(4) Tijekom dijela njihovog vježbeničkog staža, vježbenici se upućuju na praktičan rad u općinske i kantonalne sudove.

(5) Duljina trajanja praktičnog rada vježbenika, uvjeti za stjecanje prava na polaganje pravosudnog ispita, te program i način polaganja pravosudnog ispita reguliraju se posebnim propisom.

Članak 34.

Odredbe o posebnim propisima kojima se reguliraju funkcije, prava i dužnosti uposlenika u kantonalnim tijelima vlasti odnose se i na uposlenike u Tužiteljstvu, osim ukoliko to nije drugačije utvrđeno ovim ili drugim Zakonom.

V. FINANCIRANJE TUŽITELJSTVA

Članak 35.

(1) Tužiteljstvo ima svoj proračun koji je sastavni dio kantonalnog proračuna. Prije početka proračunske godine glavni tužitelj prezentira prijedlog proračuna Visokom sudskom i tužiteljskom vijeću. Glavni tužitelj ima pravo da brani prijedlog Visokog sudskog i tužiteljskog vijeća i da na zoči sjednicama kantonalne Skupštine i njenih odgovarajućih povjerenstava svaki put kada se na sjednicama razgovara ili odlučuje o proračunskim pitanjima koja se odnose na Tužiteljstvo.

(2) Glavni tužitelj je, uz pomoć arhivara, nadležan za pripremanje i izvršenje proračuna.

(3) Na kraju svake proračunske godine glavni tužitelj obavještava Kantonalnu skupštinu o izvršenju proračuna Tužiteljstva.

VI. PRIJELAZNE I ZAVRŠNE ODREDBE

Članak 36.

(1) Tužiteljstvo se sukladno ovom Zakonu, uspostavlja na dan koji odredi Visoko sudsko i tužiteljsko vijeće. Visoko sudsko i tužiteljsko vijeće objavljuje ovu odluku u «Službenim novinama Zeničko-dobojskog kantona».

(2) Na dan iz stavka 1. ovog članka svi zakoni i propisi

koji se odnose na tužiteljske funkcije na općinskoj razini smatrat će se tužiteljskim funkcijama na kantonalnoj razini. Ukidaju se sve odredbe zakona Federacije ili njenih kantona koje su u suprotnosti s ovim Zakonom.

(3) Postojeći Zakon o Tužiteljstvu Zeničko-dobojskog kantona («Službene novine Zeničko-dobojskog kantona, br. 4/97) stavlja se izvan snage na dan iz stavka 1. ovog članka.

Članak 37.

(1) Do donošenja propisa o internim aktivnostima Tužiteljstva sukladno ovom Zakonu, primjenjuju se postojeći propisi o internim aktivnostima Tužilaštva, ukoliko ti propisi nisu u suprotnosti s ovim Zakonom.

Članak 38.

Glavni tužitelj, zamjenici glavnog tužitelja i tužitelji imaju pravo na platu i druge naknade definirane zakonom.

Članak 39.

(1) Postojeće kantonalno Tužiteljstvo i općinska Tužiteljstva Zeničko-dobojskog kantona izvršit će prijenos imovine, predmeta iz njihove nadležnosti i arhiva na novo Tužiteljstvo na dan uspostave novog Tužiteljstva u skladu članku 36, stavak 1. ovog Zakona.

(2) Prijenos imovine, predmeta i arhiva iz stavka 1. ovog članka izvršit će postojeći kantonalni i općinski tužitelji, koji će sačiniti službenu bilješku o gore navedenom prijenosu.

(3) Preslik službene bilješke dostavlja se kantonalnom Ministarstvu pravde i novouspostavljenom Tužiteljstvu.

Članak 40.

Ovaj Zakon o Kantonalnom tužiteljstvu stupa na snagu osam dana od dana objavljivanja u «Službenim novinama Zeničko-dobojskog kantona».

Broj: 03-02-3816/03
25.02.2003.godine
Zenica

PREDSJEDATELJ
Husejin Smajlović, s.r.

96.

Na osnovu poglavlja V, odjeljka A, člana 37. stav 1. tačka h) Ustava Zeničko-dobojskog kantona («Službene novine Federacije Bosne i Hercegovine», broj 7/96 i «Službene novine Zeničko-dobojskog kantona», broj 1/96 i 10/00), Skupština Zeničko-dobojskog kantona, na III. sjednici, održanoj 25.02. 2003. godine, d o n o s i

ZAKON O IZMJENAMA I DOPUNAMA ZAKONA O SUDOVIMA ZENIČKO -DOBOJSKOG KANTONA

Član 1.

U Zakonu o sudovima Zeničko-dobojskog kantona («Službene novine Zeničko-dobojskog kantona», broj 4/97, 15/99) član 31. mijenja se i glasi: «Općinski sud je nadležan: 1. U krivičnim predmetima:



SLUŽBENE NOVINE

ZENIČKO - - DOBOJSKOG KANTONA

Godina XII - Broj 11

ZENICA, Petak, 06.07.2007.

SKUPŠTINA

116.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici, održanoj 06.06.2007. godine, d o n o s i

ZAKON O IZMJENAMA ZAKONA O KANTONALNOM TUŽILAŠTVU ZENIČKO- DOBOJSKOG KANTONA

Član 1.

U članu 10. Zakona o Kantonalnom tužilaštvu Zeničko-dobojskog kantona („Službene novine Zeničko-dobojskog kantona“, broj: 5/03) riječi „predsjednika, odnosno potpredsjednika“ zamjenjuju se riječju „premijera“.

Član 2.

Član 14. mijenja se i glasi:

(1) „Propisi o radnim odnosima državnih službenika i namještenika shodno se primjenjuju i na državne službenike i namještenike u Tužilaštvu.

(2) Propisi o organizaciji organa uprave koji se odnose na rukovođenje i odgovornost rukovodilaca organa uprave, shodno se primjenjuju na glavnog tužioca, njegove zamjenike i tužioce, ako posebnim zakonom nije drugačije propisano“.

Član 3.

Član 31. mijenja se i glasi:

(1) „Tužilaštvo ima sekretara kojeg u skladu sa Zakonom o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05 i 8/06) postavlja glavni tužilac.

(2) Sekretar obavlja poslove od značaja za unutrašnju organizaciju Tužilaštva i ostale poslove u skladu sa Zakonom o državnoj službi u Federaciji Bosne i Hercegovine i

podzakonskim aktima, te pomaže glavnom tužiocu u obavljanju poslova iz člana 30. stav 2. ovog Zakona.

(3) Sekretar Tužilaštva pomaže glavnom tužiocu u pripremi i izvršavanju budžeta Tužilaštva“.

Član 4.

U članu 32. stav 2. riječ „arhivarom“ zamjenjuje se riječju „sekretarom“.

Član 5.

U članu 35. stav 2. riječ „arhivara“ zamjenjuje se riječju „sekretara“.

Član 6.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-13619/07

PREDSJEDAVAJUĆI

Datum, 07.06.2007. godine

Zenica

Sejad Zaimović, s.r.

117.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

ZAKON O IZMJENAMA ZAKONA O JAVNOM REDU I MIRU

Član 1.

U Zakonu o javnom redu i miru («Službene novine Zeničko-dobojskog kantona», broj: 8/00 i 15/03), u članu 6. stav 1. u tački 1. riječi «ili kaznom zatvora do 60 dana» se brišu, u tački 2. riječi «ili kaznom zatvora do 30 dana» se brišu.

Stav 2. se briše.



SLUŽBENE NOVINE

ZENIČKO - - DOBOJSKOG KANTONA

Godina XII - Broj 11

ZENICA, Petak, 06.07.2007.

SKUPŠTINA

116.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 7. sjednici, održanoj 06.06.2007. godine, d o n o s i

ZAKON O IZMJENAMA ZAKONA O KANTONALNOM TUŽITELJSTVU ZENIČKO-DOBOJSKOG KANTONA

Članak 1.

U članku 10. Zakona o Kantonalnom Tužiteljstvu Zeničko-dobojskog kantona („Službene novine Zeničko-dobojskog kantona“, broj: 5/03) riječi „predsjedatelja, odnosno dopredsjedatelja“ zamjenjuju se riječju „premijera“.

Članak 2.

Članak 14. mijenja se i glasi:

(1) „Propisi o radnim odnosima državnih službenika i namještenika shodno se primjenjuju i na državne službenike i namještenike u Tužiteljstvu.

(2) Propisi o organizaciji organa uprave koji se odnose na rukovođenje i odgovornost rukovoditelja organa uprave, shodno se primjenjuju na glavnog tužitelja, njegove zamjenike i tužitelje, ako posebnim zakonom nije drugačije propisano“.

Članak 3.

Članak 31. mijenja se i glasi:

(1) „Tužiteljstvo ima tajnika kojeg sukladno Zakonu o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05 i 8/06) postavlja glavni tužitelj.

(2) Tajnik obavlja poslove od značaja za unutarnju organizaciju Tužiteljstva i ostale poslove sukladno Zakonu o državnoj službi u Federaciji Bosne i Hercegovine i podza-

konskim aktima, te pomaže glavnom tužitelju u obavljanju poslova iz članka 30. stavak 2. ovog Zakona.

(3) Tajnik Tužiteljstva pomaže glavnom tužitelju u pripremi i izvršavanju proračuna Tužiteljstva“.

Članak 4.

U članku 32. stavak 2. riječ „arhivarom“ zamjenjuje se riječju „Tajnikom“.

Članak 5.

U članku 35. stavak 2. riječ „arhivara“ zamjenjuje se riječju „tajnika“.

Članak 6.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-13619/07

PREDSJEDATELJ

Datum, 07.06.2007. godine
Zenica

Sejad Zaimović, s.r.

117.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

ZAKON O IZMJENAMA ZAKONA O JAVNOM REDU I MIRU

Članak 1.

U Zakonu o javnom redu i miru («Službene novine Zeničko-dobojskog kantona», broj: 8/00 i 15/03), u članku 6. stavak 1. u točki 1. riječi «ili kaznom zatvora do 60 dana» se brišu, u točki 2. riječi « ili kaznom zatvora do 30 dana» se brišu.

Stavak 2. se briše.